

DATOZEN HILABETEETAN EGINGO DUTEN BIRAREN BERRI EMAN DUTE ESTRASBURGOKO PARLAMENTUAN

Itoitz European salatuko dute 'solidarioek'

■ Itoizko urtegiko kableak moztu zituzten kideek urtegiaren paralizazioa eskatuko dute eta ardura politikoak exijituko

■ Haien kontrako epaia «politikoa» izan dela uste arren, ezereen errudun ez direla eta indulturik ez dutela eskatuko esan zuten

■ Bost hilabete barru, lortutako atxikimenduekin beste prentsaurrekoa emango dute Estrasburgoko Legebiltzarrean

Alberto Barandiaran / Estrasburgo

Berriemaile berezia

ITOIZKO 'solidarioak' publikoki azaldu ziren atzo Europako Parlamentuko egoitza nagusiaren bihotzean, iragartzeko datozen hilabeteetan Nafarroako urbiltegiaren aurka egin nahi duten jira. Bertan talde sozial, ekologiko eta politikoen sustengua lortu nahi dute, salatzeak kalte ekologikoa, «benetako arrazoen amarrua, bultzatzaileen ustelkeria, diru publikoaren xahutze justifikaziorik gabekoa, ilegaltasuna eta bertako herrientzat duen arriskua». «Itoitz ez da nahikoa entzun», atzo Julio Villanueva taldeko kideak esan zuten.

Joan den irailaren 14ean lau urte eta hamar hilabeteko kartzela zigorra jaso zuten zortzi kideetako bost azaldu ziren atzo eguerdian Parlamentuko egoitzara, Euskal Herriarrok talde parlamentarioak gonbidatuta: Julio Villanueva, Txomin Yubero, Ibai Ederria, Peio Lusarreta eta Urko Hernandez.

Bilatze agindurik ez oraingoz

Han zuten zain Koldo Gorostiaga euskal parlamentarioa, prentsaurrekoaren antolaketan bideratu zuena. Kontrol guztiak gaindituta —nahiz eta zigorra betetzeko eduki, Espainiako Justiziak ez du nazioarteko bilatze agindua eman— prentsaarekin zuten hitzordura agertu ziren.

Gogoratuko denez, Itoitzekin Elkartasuna taldekoak zinpeko goardia bahitzeaz akusatatu zuen azkenean epaileak joan den irailaren 14ean ezaguna egin zen epaian, eta ez kableak mozteagatik. Lekukoek epaiean agertu zuten ordea, zinpeko goardiaren kontra ez zen bortizkeriarik erabili eta bost minutu egon zen lotuta.

Taldeko kideek berretsi zuten atzo epai politikoa izan



MIKEL MARTINEZ

'Solidarioetako' bi kide eta EHko eurodiputatu Koldo Gorostiaga, atzo Europako Parlamentuko prentsa aretoan.

Gaia Parlamentura joan liteke

■ ATZOKO agerraldian euskal parlamentarioek babesa azaldu nahi izan zieten Itoitzekin Elkartasuna taldeko kidei, eta prentsaurrekoa posible egin zuen Koldo Gorostiaga EHko parlamentarioaz gain, prentsa aretoan egon ziren ere Gorka Knörr eta Josu Ortuondo EAJ-EAko parlamentarioak. Azken honek azaldu zuenez, Itoizko gaia eraman lezake Europako Parlamentura, berdeekin duten elkargunearen bidez. «Asoziatuta gauden taldean, berdeetan alegia, badago sentsibiltate berezia ingurugiro gaiekin, eta eraman liteke gaia parlamentura, txosten guztiak ondo aztertu ondoren jakina».

Ortuondok esan zuten

bere taldekoak ez direla proiektu guztiak haste-hastetik salatzearen aldekoak, baina Itoitz «interesgarria eta garrantzitsua» zela. «Guk nahi dugu begirune osoa ingurugiroarekiko azpiegitura guztietan, eta badirudi kasu honetan, azaldu dutenaren arabera, badirela argilunak. Ikertuko dugu gaia».

Koldo Gorostiagak, bere aldetik, nabarmendu zuen taldeko kideek «izugarritzko etsenplua» eman dutela, eta babesa emateko orduan «haien esku dagoen guztia» emateko prest dagoela Euskal Herriarrok. Gorostiagak, nolanahi ere, indarra jarri zuen Itoitzen atzean dagoen arazo politiko-judiziala salatzerakoan.



MIKEL MARTINEZ

Koldo Gorostiaga EHko eurodiputatu eta Josu Ortuondo EAJ-EAko 'solidarioetako' batzuekin, atzo Estrasburgoko Parlamentuko egoitzan.